

DELÌBERA DE SA GIUNTA COMUNALI

N. 53 de su 27 de abrili de su 2009

CHISTIONI: Defensa e abaloramentu de sa poesia campidanesa cantada

S'annu Duamilanoi sa di' Bintiseti de su mesi de abrili, in sa sala de su Comunu chi eus nau, stabilèssia cun d-un'avisu fatu a posta, ant pinnigau sa Giunta Comunali custas personas afatantis:

Vissinnioria Sandro Serreli a Sìndigu, chi ghat cun s'agiudu de su Segretàriu Generali Efisio Farris su dotori.

ASSESSORIS

– PUSCEDDU M. BARBARA	presenti
– COCCO ANTONELLO	assenti
– MELIS FAUSTINO	presenti
– CARTA MARIO	presenti
– SCHIRRU VALTER	presenti
– MURGIA JOSTO	assenti
– ATZORI LUCIA	assenti

Su Presidenti, giai chi ddoi est su tanti de presentis chi bolit sa lei, de cràrat sa sètzida oberta e nàrat custa proposta de delibera:

BIAS is delìberas de sa Giunta Comunali n. 68 de su 9.04.2003 e is atras sighendi, po fai cresci su connotu de su pòpulu in is festas de sa bidida;

PENTZAU, in prus, de depi fai sighiri sa defensa e s'abaloramentu de sa poesia campidanesa in is festas de sa bidida, donendi a is assòtzius e a is comitaus sa faina de fai connosci sa sienda manna de poesias e de cantu cun a mutetus e de difendi e de fai bivi una curtura e unu connotu de sèculus;

BIU su D.Lgs. n. 267/2000;

PROPONIT

1. de lassai fai a is assòtzius de sa bidida e a is comitaus de is festas is manifestadas de poesia sarda e is cantadas, cun is cantadoris, po is festas de sa bidida arrelatadas a su connotu e a s'arreligioni;

2. de stabilessi annu po annu s'agiudu de donai po dònna proposta de is assòtzius e de is comitaus de sa bidde;
3. de fai balli cust'antu luegus.

SA GIUNTA COMUNALI

BIA e apretziada sa proposta de delibera chi eus nau in pitzus;

BIU su parri a favori de s'Arresponsàbili de sa Parti de Aministratzioni po su chi spètat s'arregularidadi tènniga;

PENTZAU de ddu depi fai;

VOTENDI A TOTÒMINI, de manera oberta;

DELÌBERAT

– de aprovai sa proposta de delibera cun su scritu chi eus postu in pitzus.

PO CUSSU la G.C., po s'apretu, votendi a totòmini, de manera oberta;

DELÌBERAT

– de fai balli cust'antu luegus, in arrespetu a s'art. 134 del D.LGS. 267/2000.

Custu verbali, ligendiddu e aprovendiddu, ddu firmaus cumententi sighet:

SU PRESIDENTI Serreli

SU SEGRETÀRIU GENERALI Farris

Apicau a s'Arbu Pretòriu de su 29.04.2009 e po 15 diis de sighia, mandendiddu puru a is Cabus de Truma Consiliari.

SU SEGRETÀRIU GENERALI Farris

Còpia oguali a sa de nascimentu po dda imperai in s'aministratzioni.

Sìnnia, su 29 de abrili de su 2009

Sa Funzionària Incarrigada
Asuni